

Ne Ottawa lotatenhnhá:on' tsi lorharátston ne Orihwí:io tánon Aonsaioiá:neren'ne

Ne Ottawa lotatenhnhá:on' tsi kí nón:we ne iah nonwén:ton tehonatká:wen Ohontsa ne Anishinaabe Algonquin Raotitióhkwa, tsi takenhá:tie e'tho shihati:teron.

“Iah teká:ien ne sénha ahotiio'tenhseraién:ta'ne ne Canadians tsi ní:ioht ne ashakonatahónhsatate nahò:ten rón:ton ne Onkwehón:we. Onkwehshón:'a ki iakoterihwaién:ni – ahontkátho ne sewatié:rens iah teion'wé:sen, sewatié:rens teiutenonhianíhton tsi wahétken ne orihwí:io, aetewaté:weienste aetewatahónhsatate, aetewanonhtonnión:ko tánon á:se taetitió:n:ni kwah tokén:en aionkwató:kenshse tánon tóhsa aonsaieithikaré:wahte.”

KAKÓ:RA TEHANAKTAHKWÉN:NI (ÓNEN ROTORÍSHEN) ROMEO DALLAIRE

TSI NIHOTIKARÓ:TEN NE KENH NONKWÁ:TI RÓTI TÁNON WÉ:NE NE' CANADA TSI RONWATIKENHRÓN:NI NE RONNOKWEHÓN:WE.

Nitiawé:non ne **né:ne ohén:ton ne shahontenenhrón:ni** ne 1867;

- ↳ tsi ní:ioht ne **shahonnó:hetste ne Indian Act ne 1876**, tsi ní:ioht tsi ronnehre kakó:ra eniakoten'nikón:raren ne Onkwehón:we;
- ↳ ne **tontáhsawen ne iontientáhkwa ionterihwaienstáhkwa**, wahésake ne “tsháhseht Onkwehón:we tsi nonkwá:ti ne raksá:'a” tsi 150,000 nihá:ti ratiksaokón:'a é:ren iakoiá'tenhawíhton tsi nón:we ne raotihwà:tsire tánon raotinakerahserá:kon;
- ↳ thóne ne **“lakoiá'taró:non là:ia'k niwahsen”**, tewen'niawee'khon nihá:ta Onkwehón:we ratiksaokón:'a éren wahonwataiia'tenháwihte tsi nonkwá:ti ne raotihwà:tsire né:ne provincial tánon federal ronwatio'ténhse tho nahatí:iere ákte' niahonwataiia'ténhawe akó:ren ahonwenehiá:ron tóka ni' ahontewirará:ko;
- ↳ thóne **nia'tékon tsi nahatí:iere aontahonwananónhton'se** tsi nonkwá:ti ne Ronnokwehón:we tánon ne nahò:ten shaoié:ra tsi iohontsáte ronónha ahóntste ne ohóntsa tánon é:neken ahontatón:ni tánon iahatíhawe ne thénon;

Ne Canada wate'niéntha aontaiakonónhton'se ne Onkwehón:we, Métis tánon ne Inuit ia'taiakó:ieste ne ratihnará:ken, ehtá:ke niekáhas tsi ní:ioht tsi ratí:teron ne kahwà:tsire, tsi nihotirihó:ten, tsi ní:ioht tsi thonehtáhkwen, raonahronkhátshera raotikó:ra, nahò:ten rotianerenhserá:ien, ronatonhnhakéhnhen tánon tsi tehatí:neren ne ohóntsa.

TSI NIHOTIIE:REN NE KENH NONKWÁ:TI RÓTI TÁNON RONWATIKENHRÓN:NI NE RONNOKWEHÓN:WE IAWE'NÉ:ON NI' NE CANADA.

Nitiawé:non **é:so sénha í:si' nón:we** ne:

- iah tehotiio'tenhserá:ien
- rotí:ten
- iah tehotinónhsote
- ronwatinhó:tons
- thonwananonhtón:ni
- iehonwataiia'ténhas ratiksaokón:'a
- ronwatikarewáthha
- ↳ ne **tsi naáwen'ne iah ki' tehonata'karí:te**, í:kare ne:
 - ió'tteron ieiotkontáhkwen tsi rotinonhwáktani
 - iakora's ne káhnra ti'nikonhranón:waks
 - rotí'nikonhrotákwen
 - rontaterí:ios

↳ ne ní' óni ne **wentó:re iahón:newe tsi teshakotihshnie ne ata'karitáhtshera;**

ki tsi niawénhseron iakohetkenhtén:ni shékon nónwa ieiotahsón:tere ka'shátste tsi ní:ia:wens ne raotirihwá:ke ne Onkwehón:we, Métis tánon ne Inuit kwah tsi níwa ne Canada.

Teiakhinonhwerá:tons ne Anishinaabe Algonquin Nation tsi thotirihwaié:ri tsi tehatithárha tsi iaonkwatahsonterá:tie ionkwaió'te aiakhiié:nawa'se ne watié:sen ne ahotikaré:wahte ne kanakerahserá:kon raononhontsá:ke ratí:teron.

Tsi takenhá:tie ne Onkwehón:we shihati:teron ne Canada. Ne Ottawa lotatenhnhá:on' karihwahní:rats tsi nienhén:we tsi rotianerenhserá:ien akwé:kon ne Ronnokwehón:we, Inuit tánon ne Métis ne sháka ne nahò:ten iakoianerenhserá:wis ne waterihwahserón:ni (Treaty) akwé:kon ne Ronnokwehón:we ne kéntho iohontsá:te.

Ne Ottawa aonhá:'a tió:ion tánon aonhá:'a tkowá:nen kanónhsote ne iah tehotí:ien ka'niahón:ne raotinónhsa e'tho í:kare tsi ní:ioht tsi ronaterihwahtentiá:ton ne kenh nonkwá:ti róti, **Ne Ottawa lotatenhnhá:on' watkáthos tsi nihotihetkénhton ne kenh nonkwá:ti róti tánon tsi nihatikén:ron ne Onkwehón:we, tsi ní:ioht tsi iakentiohkwá:nen ne Onkwehón:we, Métis tánon ne Inuit ratiri'wanóntha ahonwataiia'takénhha.**

Ne Ottawa lotatenhnhá:on' iorharátston ne aonsaioiá:neren'ne ne éntkahawe ne ka'shatsténhsera tánon aonsontkwatá:ko nahò:ten ne kahetkénhton ne Onkwehón:we, Inuit tánon ne Métis ne kí' ne tsi nah'tehón:tere Onkwehón:we tánon ne kenh nonkwá:ti róti, enhsetshén:ri ne *orihwí:io, kakwenienstáhtshera aontakaié:'i'ne tsi ahoti'nikonhraién:ta'ne* ne tetsá:ron tsi nahò:ten ronathró:ri skahwátsira tsi nahò:ten ró:nen ne Namwayut* (*akwé:kon énska í:ken*).



**Namwayut* Kwak'wala owén:na ne kénton "Akwe'kon énska í:ken". Ne ensáhró:ri tsi sha'té:kena ne "tkaié:ri tsi ná'teiontere" kakwenienstáhtshera tsi iakonhnhé:tie ne ohontsá:ke tahontatié:nawa'se ne akohrénsion, kontitshé:nen, shaoié:ra tánon ne ohontsá:ke. Ne ratienterehstáhkwa tsi ní:ioht tsi r ontkáthos ne ohontsá:ke:kon tánon tsi nihotirihó:ten ne Onkwehón:we tánon tsi iorihowá:nen tsi tehonatkweniénstha tánon tehonatá:nikenhraién:ta's ne iah tehonokwehón:we tánon ne Ronnokwehón:we.

“Áhsen nitiotierá:ton enwá:ton tsi enhsateweienste ne orihwí:io tsi aonsaioiá:neren'ne: sateweienst, sa'nikonhraién:ta'n, tánon satoriá:neron.” JODY WILSON-RAYBOULD



NE OTTAWA IOTATENHNNHÁ:ON' IORHOWANÁHTON TSI IOTHRORI TSI IENWAHTÉN:TI AÓNTSTE NE ORIHRI:IO TÁNON AONSAIOIÁ:NEREN'NE SKÁTNE NE ONKWEHÓN:WE, MÉTIS TÁNON NE INUIT TIONKWATENRÓ:HON NE:

Aetewakaén:ion tánon aetewaten'nikón:raren í: tsi nentewá:iere

orihwí:io aetió:n:ni ne ratikwé:kon ne iah tehonokwehón:we rotiió'te, rontsníe:nons tánon ne thonatenrohon **ratiié:na tóhsa ashakotikén:ron, aonsaioiá:neren'ne tánon Onkwehón:we tsi nihotirihó:ten skén:non tsi ahonteweiénste** oh naiaawen'ne kwah akwé:kon Onkwehón:we, rotiió'te, rontsníe:nons tánon ne thonatenróhon skén:non tsi ronnonhtón:nions iah teiótteron tánon skátne ahónton.



Orihwí:io aionthró:ri ne Canada aoká:ra skátne Shihatinkereón'we.



Tenthatikaén:on' tánon nia'teiohserá:ke enhonhó:ri nahò:ten rotiió'tén:en

tahatíia'tó:rehte tsi ní:ioiá:neratie tánon ratikwá:tako nahò:ten kari'wanóntha.



Onkwé'ta:ke ronhó:ri tsi níiohtonhátie ne kaiéstha tsi teiutenonhianíhton tsi níiokste ne iah tehotinónhsote tánon iah teiorihwahní:ron raotinonhsá'shón:'a ne Onkwehón:we, Métis tánon ne Inuit ahatiri'wanón:ton ne taontte:ni.



Iahásrek kaienawa'séhtshera, tóhsa iotterónhton, tkarihwaié:rik tánon sha'tékenak kanonhsa'shón:'a ne Ronnokwehón:we, Métis tánon ne Inuit aontahonwatinhhe tánon aontahonténronhwe.